



調
三
長
語

下



イ曾4
515
30

三十



4
515
30

亦政堂訂正調言長語卷下



蓼莊曹 安輯

松江

仲醇陳繼儒校

朱子文谷劉韜仲督賦云正是索千金于乞丐
之夫亦無下手脚處不恤則得罪于民不辦
則得罪于上官

宋王益知韶州屬縣翁源多虎公令捕之令欲
媚公言虎自死者王輿致州為頌以獻公使

歸之曰政在德不在異

元不忽木因河東守臣獻嘉禾曰汝部內所生
盡如是耶曰惟此數莖不忽木曰如此則既
無益于民何足爲瑞遂罷遣之

元泰不花爲台州守有所廉察因夜宿村家聞
鄰婦有姊姒夜績者姊曰夜寒如此我有甌
酒在床下汝可分其清者留以奉姑下濁者
吾與爾飲之姒如其言起而注清者于他器

且曰此達元帥也吾等不得嘗矣姊曰到底
清耶遂笑而罷不花聞之未曙卽去不花字
達兼善殺賊死節台州

李易安趙丞相挺之之子趙德夫之內也序德
夫金石錄謂王播元載之禍書畫與胡椒無
異長輿元凱之病錢癖與傳癖何殊名雖不
同其惑一也又謂蕭繹江陵陷沒不惜國亡
而毀裂書畫楊廣江都傾滅不悲身死而復

取圖書豈人性之所嗜生死不能忘之歟又
謂有有必有無有聚必有散理之常人亡弓
人得之又胡足道二女子微也有識如此丈
夫獨無所見哉

魏太和中宦者符承祖用事時親姻爭趨附以
求利其從母楊氏爲姚氏婦謂承祖之母曰
姊雖有一時之榮不若妹有無憂之樂與之
衣服多不受強與之則曰我夫家世貧美衣

服使人不安與之奴婢則曰我家無食不能
飼也承祖遣車迎之不肯起及承祖敗有司
執其二姨其一姨伏法姚氏姨貧敝魏王見
而特赦之噫丈夫之附富貴者反不如此婦
之見多矣可不鑒哉

宋鄭清之庶母生將臨蓐二日鵲鳴甫生嫡母
欲不舉嫂請於舅姑乳之後長教授峽州江
陵帥趙方善風鑑夜夢有告者曰明日當有

貴客來厥明報清之謁方從廳屏間窺清之
狀貌薰瘠且短小殊不稱所告夢賓次坐逾
日吳方往來益視清之危坐迄不惰方大器
服且曰公他日大貴後果佐理宗爲相封公
宋王觀復以詩送黃庭堅黃庭堅曰詩生硬不
諧律呂此病只是讀書未精博耳

黃庭堅過東平侯趙景珍墓詩曰朱顏苦留不
肯住白髮政爾欺得人婬娟去作誰家妾意

氣都成一聚塵今日牛羊來丘壠當時近前
左右噴花落鳥啼荆棘裏誰與平章作好春
海昌蘇平言詩貴心平氣和如高太史啓詩工
則工其中多心不平氣不和惟夜聞吳女誦
經一律心平氣和

程明道送呂晦叔赴河陽詩云曉日都門馳旆
旌晚風鏡吹入三城知君再爲蒼生起不是
尋常刺史行

有客來相訪如何是治生但存方寸地留與子
孫耕賀仙翁作楊龜山跋見黃氏日鈔

宋相李昉玉堂卽事云一院有花春晝永四方
無事簡書稀

梅溪王十朋號也文曰梅溪集嘗云不善文者
宜秘不善書者宜楷不善言者宜省祭昭烈
文旁觀八陣細讀三志我雖有酒不祀曹魏
祭武侯文將畧非長庸史之語旁有闕張一

龍一虎祭杜工部文讀書萬卷蓋欲有爲明
光三賦烜赫一時文之有警如此

作詩文等忌頭上安頭所謂闕門閉戶掩柴扉
半夜三更子時候 宋徽宗囚至三河吟曰
半醒半醉當半夜五更三點過三河

文字忌註脚中註脚如拔本塞源論卽講仁義
足矣乃云仁者心之德慶之理義者心之制
事之宜反去講仁義遺了題上字又如爲之

難言之得無訛乎註云蓋心常存故事不苟
反講不梏於鷄犬之放不馳於鴻鵠之思不
知心常存是推出來的所以作時文古文詩
句最難古人之文老杜二蘇多不知道歎老
嗟卑如七歌及赤壁賦逝者如斯而未嘗往
也等可見

左傳室如罄如訓而謂室將空也後誤以爲
似罄之空宋呂居仁兵亂後雜詩一聯云官

府室如罄人家雖也無可見丁謂詩有天門
九重開終當掉臂入王禹偁讀之曰入公門
鞠躬如也天門豈可掉臂入乎此人必不忠
後如其言李紳作憫農詩稱其有宰相器韓
愈稱歐陽詹亦曰讀其書知其慈孝最隆也
觀文足以知人

李斯不向倉中悟陳止齋作李斯夢鼠傳柳宗
元作李赤傳吳草廬跋謂王叔文亦廁鬼也

二文說盡二人心

柳宗元在八司馬中最巧者也作乞巧文又作
愚溪對以愚自名而謂宗元豈拙愚者哉
韓文公送李愿盤谷序讀之愿之高不可及矣
不知愿乃李晟之子愬之弟屢爲節度使皆
以貪奸敗事韓文假借大過愿有觀翟玉妓
詩最爲淫褻

史所以傳信司馬遷號爲良史如邳都之功績

乃爲酷吏傳首班固又因之何以傳後哉此
權德輿所以譏之也

胡三省註通鑑云人苦不自覺前註之失吾知
之吾註之失吾不能知也可爲註書自信者
戒

秦之焚書焚天下之書其博士官所藏者故在
項羽燒秦宮室始盡焚之蕭何收秦圖書之
日不能併收之耳

讀史在推見至隱如唐玄宗立忠王璵爲太子
人皆知太子瑛之廢由武妃林甫不知出於
張說初忠王出見百官說有貌類太宗之言
蓋昭成方娠時說侍東宮知其異事謂王當
受天命故因事言之以廣於衆耳說事明皇
情意至厚言從計行於忠王豈無異議乎使
明皇之意已移嬖寵之言易入說無以迓其
過矣此孫甫之論又云曹操自云日飲醜酒

夜啖葛使人不得而毒之至劉元城先生始
燭其奸又如曹操作七十二疑塚使人不可
尋後人云直須發盡七十二疑塚必有真者
曹不不爲操喜欲立祖爲太子賴賈詡諸人調
護定不爲太子丕抱議郎辛毗頸而言曰辛
君知我喜否毗以告其女憲英憲英曰太子
代君主宗廟社稷者也代君不可以不戚主
國不可以不惧宜戚宜懼而反以爲喜何以

能久魏其不昌乎魏王芳謁高平陵曹爽從
司馬懿以太后令閉城門爽司馬魯芝將營
騎新津門出赴爽呼參軍辛敞欲與俱敞謀
於其妹憲英曰天子在外大傅閉城門人云
將不利於國家於事可得爾乎憲英曰以吾
度之太傅誅曹爽耳然則事就乎曰得無殆
就爽才非大傅偶也然則可以無出乎曰職
守人之大義也凡人在難猶或卹之執鞭而

棄其事不祥莫大焉且爲人任爲人死親昵
之職也從衆而已敞遂出事定之後嘆曰吾
不謀於妹幾不獲於義

曹操欲植爲嗣操屏人問大中大夫賈詡詡默
然操問其故詡曰屬有所思故不卽對耳操
曰何思詡曰思袁本初劉景升父子也操大
笑終以丕爲太子唐李德裕言方慶爲相子
爲眉州司戶叅軍武后曰君在相位何子之

遠對曰廬陵是陛下愛子今尚在遠臣之子庸敢相近二人之對可謂諷諫者矣

鄒忌謂妻曰我與城北徐君孰美妻曰美於徐君忌不自信復問其妾妾曰徐君何能及君也旦日客來又問之客曰徐不若君之美也明日徐公來熟視自以爲不如窺鏡而自視又不如遠甚暮寤而思之曰吾妻之美我者私我也妾之美我者畏我也客之美我者欲

有求於我也此乃忌說齊王受諫然則諫之直可不受哉不然諛言日至矣

人非名字則不能自別於衆人然異於衆人者不在名與字也視其德與行耳虺虫之厲者也而仲虺爲良臣蠋螻動之微也而王蠋爲烈士周公子伯禽孔子子伯魚以人之美不在名字也

號古無有因其名之有字而復字其字以示訓

故程雪樓於賴安撫歸字曰伯高高而不自
高號曰謙齋歸者衆山中獨高者今人取號
一切外之而夸詡

漢天文志載海旁蜃氣象樓臺筆談記登州海
市事登州岸東海毋春夏之交於波濤掩靄
間見城郭邑屋樓臺觀閣參差隱見而人物
車騎裨販之類往來雜遝餘時莫之見蘇長
公以元豐八年八月自陽羨起知登州二十

日召爲禮部員外郎念竒觀之非時而茲遊
之莫再致禱於海神明日見所謂海市如春
夏焉因作七言古體詩一章如文公之謁衡
岳異體同符柳道傳謂儒者語常不語怪海
市之云涉於竒詭佛之幻境豈近是耶元平
陽林景熙著蜃說謂秦之阿房楚之章華魏
之銅雀陳之臨春結綺是亦一蜃也

梁武平齊盡有其內獲侍兒十餘輩頗娛於目

俄爲都后所察勅止皆有隔抑勒其憤恚殆
成疹左右識其情者進言曰臣嘗讀山海經
曰以倉庚爲膳可以療其事使不忌陛下盍
試諸梁武從之郟茹之後茹減殆半帝愈神
其事左右復進曰願陛下廣羞諸以徧賜群
臣使不才者無妬於有才挾私者不妬其奉
公濁者不妬其清貪者不忌其廉俾其惡去
勝忌前皆知革心亦助化之一端帝深納其

言將詔虞人廣捕之會方崇內典戒於戕生
其議遂寢

唐裴炎猩猩銘序云與之酒兼之以屐可以就
擒刺血問與多少隨所加而得弗如此弗肯
與里人將烹索其肥者乃自推其肥泣而遣
之有客曰此獸何其愚也一僧謂客曰獸何
足云竊見人而似之曾無悟矣四座引而問
之曰夫財色名利溺人也曷若猩猩好酒乎

詩言長言
爵賞祿位羈人也曷若猩猩麥屨乎饕餮攷
禍飾辭覲免者曷若猩猩推肥乎蘊利生孽
虎而無悔者曷若猩猩含血乎

予偶作梟狐喻一首云世之人皆惡梟之不祥
狐之妖媚不知人之爲梟狐者多矣梁蘇循
爲禮部尚書敬翔李振曰循唐之鳴梟胡氏
謂循之求相與梁之篡國何異朱溫敬翔舍
已鳴梟而謂人鳴梟蓋以循爲唐臣賣國求

利故二人云云狐有雌雄能惑男婦以予觀
之不獨眞狐爲然彼鄧通韓嫣董賢諸人非
雄狐乎妹喜妲己褒姒潘妃張麗華輩非雌
狐乎梟又名流離其肉甚美可爲羹臠又可
爲炙狐亦有三德二物可鄙猶有可取人之
爲梟狐者何如哉噫嘻

瀘南有畜秦吉了者能作人言夷酋欲以錢十
萬買之其人告以貧欲賣之秦吉了曰我漢

禽也不願入蠻夷山不食而死唐昭宗時有
猴號孫供奉能隨班起居朱溫篡位欲猴起
居不從徑趨溫所奮擊溫令左右殺之平陽
林景熙謂李陵事虜馮道濫祿不若二物也
其詩曰桓桓李將軍甘作單于鬼皤皤長樂
老閱代如傳舍

劉禹錫鶴歎云閒翫終日翔舞調態一如相書
信華亭之尤物也鶴惟華亭縣鶴巢村所出

者為得地他處雖時有皆凡格也陸機謂華
亭鶴唳可得聞乎信然

周禮救日月食王必親擊鼓鼓有聲舉陽事以
壓陰氣

世稱墨為玄玉玄名其色玉喻其質墨之堅青
光黑者佳黑青全謂之玄而黑易青難但黑
不青緇爾非玄也堅光脩謂之玉而堅易光
難但堅不光石爾非玉也

筆之才四圓健尖齊皆易惟妙難四者可以數
得而力致惟數之不可得力之不可致有至
妙存焉妙不能喻在人自得之耳製筆之法
桀者居前毳者居後强者爲亦要者爲輔參
之以絲束之以管固以漆液澤以海藻濡墨
而試直中繩勾中鈎方圓中規矩終日握而
不敗故曰筆妙

今之硯尚端溪歙硯有銀星者佳大滑川江有
石可爲硯歐陽公會評之成化十二年予過
川江一驛官餽以石硯用之大廢墨柰脆而
易破銅雀硯不真皆後人僞造

王十朋貧好作文無紙可書書於卓謂之無盡
藏紙也

錢板肇於五季宋益盛無漢以前耳受之艱無
唐以前手抄之勤力筆工刻印章不廢倉頡
籀斯二體之文其後隸行篆廢况又姿媚而

楷簡要而草乎

陶器梓器皆範金兆於盛宋一二僻儒之口而其流遂成於季宋亡國姦諛之手二者皆變而為金至今皆然

畫上二紙條名曰驚燕燕怕紙凡有紙條處則飛去紙條古不粘任其飄動

畫法以氣韻生動為第一又以神逸妙能為次雙陸盤中彼此內外各有六梁故名雙陸雙陸

最近古號為雅戲始於西竺一流於曹衛盛於梁陳魏齊隋唐間宋太宗播之聲詩紀於奎文雙陸有光焉

鄒長倩贈公孫弘撲滿一枚曰撲滿以土為之畜錢之具可入不可出滿則撲之有聚而不能散者致有撲滿之敗可不戒哉艾性夫有撲滿吟宋景濂有撲滿說意皆謂此

襴衫馬周以三代布深文因於其下及裾名襴

衫以爲上士之服今舉子所衣之服是也笏
周制也晉宋以來謂之手板

賓以禮服來主欲從簡便傳之曰請祓衣客以
便服進又服燕褻之服而遇交際之服者必
謝曰祓袒無禮僖宗乾符元年王凝崔彥昭
同舉進士凝先及第嘗祓服見彥昭

席上掌酒令者謂之觥錄事元稹於解縣嘗明
府廳罰虞卿黃承連飛十數觥不眩逝去

予在臨安府學郡人作學社每五日一習酌酒
強予出令以詩句行久之思竭乃以古人一
名一字者行之予言紂名辛字受伊尹名摯
屈平字原曾皙名點樊遲名須劉邦字季項
籍字羽枚乘字叔數人又行二名一字者予
言張九齡字壽鄭當時字莊李適之字昌李
天寶元年代牛仙客爲相者又以婦人名如
男子者予言蔡琰薛濤崔徽又美人連名者

子言鶯鶯好好簡簡紅紅蹇蹇楚楚人有言
盼盼翠翠卿卿小小凌凌東東當當真真李
當當元教坊名妓真真唐進士趙顏於畫障
上呼名一婦人名真真又英英劉賓客有和
楊師臯給事傷小姬英英三律李端端崔崖
張祐詩云善和坊裏取端端又狐名紫紫
子行一酒令一字四呼如差差差差數數數數
行行行行射射射射

東坡云神聖功用無捷於酒

夜飲之家生姦盜予少時聞一大家王翁號文
雅專容唱南戲諸子弟在家一人狡獪與其
室通醜聲聞于外主人亦不疑且肝爲宿血
之臟過三更不睡則日面黃以血不得歸故
也肝氣和則血脈流通津液流暢
水歸東海化爲氣鶴食從頂咽下云一百六十
年一胎生牛不耳聽聽以角夏至日貓鼻暖

餘日皆冷予以此言於人遇夏至日驗之猫
鼻仍冷不信予曰未至夏至時刻忽至此時
乃暖以此物物要格 陰陽風雨晦明天
之六氣

予少遊松江干山宿李昇郎中宅近山有虎啖
一人時二十一日予問之咬何處云咬下腿
十五六時讀洗冤錄云虎之咬人如猫之咬
鼠初一至十五咬上身十六至月終咬下身

果然俗云千聞不如一見信然

先見亦人之所難人始不信終乃服之如張九
齡知安祿山必反玄宗曰卿毋以王夷甫識
石勒枉害忠良後祿山果反宋明帝泰始中
兵亂宋主問蔡興蔡興曰清蕩可必但臣之
所憂更在事後後子業之世衣冠百不一存
衆服興宗之先見王日思李沆土木甲兵禱
祠之事作之言嘆曰李文靖真聖人也李師

中以太安石眼多白甚似王敦曰他日亂天下者必斯人也呂猷可爲御史中丞王安石新拜叅政公彈之温公後曰猷可之先見予所不及其他先見尤多足以資人之識

韓魏公曰閹人多矣久而不變爲難知其爲小人便以小人處之更不須較也 有客被召請教公曰富貴易得名節難守 石守道編二朝聖政錄將上來覽之其一太祖時惑

一宮鬢晏起群臣有言太祖悟潛刺殺之公曰此豈可以爲萬世法也已溺之乃惡其溺而殺之彼何罪使其復有嬖將不勝其殺矣遂去之守道服其清識 公判京兆日得姪孫書云田產多爲鄰近侵占欲經官陳理公止於書尾題一詩云他人侵我且從伊仔細思量未有時試向含光殿基看秋風秋草正離離其後子孫蕃衍歷華要者不可勝數以

其寬大之德致然也

人非堯舜豈能每事盡善然古之人有負重名者多矣失其所依或改其初心之類不一固可憫焉亦不迥君子之清議也史有數百言不能悉其事者詩以二十八字詠而尽之如范增之從項羽錢舜選云暴羽天資本不仁豈堪亞父作謀臣鴻門若遂假前計又一商君又一秦劉後村詠楊雄云執戟浮沉亦未

迂無端著頌美新都白頭所得能多少枉被人書莽大夫方秋厓詠張華云堪笑張華死不休徒精象緯古無儔中台星折何曾識祗識龍泉動斗牛亦可謂之詩史然詩亦責之大過者完顏壽詠馬援云可嘆迂疎一老翁豈堪床下拜梁松明珠薏苡猶難辨萬里爭教論杜龍瞿宗吉詠狄梁公云社鬼祠神摠遁藏花妖月媚敢披摺梁公正直難欺侮却

事宮中武媚娘世謂杜牧之項羽廟詩死中
求活王荆公解之云江東子弟今雖在肯爲
君王捲土來薛能訊孔明張養浩解之云廊
廟草廬初不異誰言只合卧終身能後遭軍
亂殺死則孔明未可薄也

古聖人之爲每得乎中下此不大過則不及齊
大飢黔敖爲食於路以待餓者而食之有餓
者蒙袂輯屨負土然來黔敖左奉食右執飲

里馬云朕乘千里馬獨先安之光武却千里
馬曰朕不用使之駕鼓車管寧華歆鋤園得
金寧視如瓦石歆則視之不忍舍旣而擲之
優劣亦可見

祖約好財阮孚好屐同有是累而未判得失有
詣約家約正料財客至收不盡餘二籠置後
傾身以障之後意未能平有詣孚者見孚正
蠟屐因嘆曰一生未知當著幾兩屐神色閒

言一長言
李九
暢勝負始分

劉三吾云治生不求富讀書不求官此蘇長公詩也韓文公符讀書城南未免示以富貴利達

宋祭酒訥寢食恒在廂房未始一宿於家疾革監官請還厲聲曰是何風雲氣少兒女情多况在丁社兩祭齋戒中耶

沈存中筆談梅詢爲學士草制思索至再徐行

廊下見一老軍鼾睡時方暑以篲擊之老軍醒公問睡得快活否荅曰快活公又問識字否荅曰不識字公曰更快活也東坡尺牘云閒廢無所用心專治經書又往七自笑不會取快活予一生不會取快活亦可笑也

予少聞姑蘇陳嗣初先生召用楊少師士奇言其才求文者千百得錢卽予人少師曰先生可留以養老陳曰秀才不貧高傲殺人濁漢

不富教化無路

景泰中予家食偶得啓蒙故事玩之多取剪燈
新話事其中事皆托言非實史亦多妄故劉
靜修讀史云紀錄紛已失真語言輕重在
詞臣若將字上論心術恐有無邊受屈人
予在滇聞一人作詩文每有奇語後窺之乃東
萊左傳傳議陳繼博士看一書秘之稠人中
難人一日友人來訪起身急寘之書案中友

人取看不與言竟尋此書默記亦與稠人中
言及陳始不出口益亦蔡邕祕論衡之意

黃夢炎十一歲鄉先生出一對云小甘羅之一
歲早已能文對曰加孔子之數年可以學易
黃炳辭武舉啓云舉子忙槐花黃早已覺壯
心之動時文熟秀才綠要須取本色而歸一
總兵門對云門迎珠履三千客戶擁貔貅百
萬兵一人云今年總兵出征必輸人在內者

少在外者多改云戶擁貔貅兵百萬門迎珠履客三千方喜湖廣一總兵得勝回彩旗迎者千百一教官有天下有名真宰相世間無比大將軍總兵喜賞二婢他俱不視

韓子感二鳥賦王勃滕王閣記皆少年麗豪之氣呂東萊大事記春秋左傳傳議皆少年之作驗之古今人皆如此

呂東萊左傳儘有議論儘有格言只是少年之

作

胡安國謂左氏繁碎耽翫文采莫如春秋經世

大典

易言慎言語節飲食先正以禍從口出病從口入訓之書言惠迪吉從逆凶實萬世吉凶之斷案世人以區區陰陽小數求吉避凶一何小哉

致堂胡氏曰莫難強如怠心莫難制如欲心莫

難降如驕心莫難平如怒心莫難抑如忌心莫難開如惑心莫難解如疑心莫難正如偏心然皆放心也大臣格君心之非者格此等也予以爲人亦有此病

或問爲學多爲事廢日事未到時心先忙事已過時心不定所以占時節多人有千來不可便說

是復契何書可讀非無書可讀也所行之事

卽其所讀之書也

宋祁云天分自有所稟不可強也要得數百卷書在胸中則不爲人所輕誚矣

元傳與礪素貧初學織席坐於地一家用裁縫宋裁衣逐出之傳遂學裁縫又一家延客令裁宋縫出外傳愧之乃讀書今傳之詩文具在膾炙炙人口人可以不勵耶

龜山云當無利心以此自爲可也以此責人恐

不勝責

范純仁聞諸子怨章惇必怒止之及在道舟覆于江衣盡濕顧諸子曰此豈惇爲之

士之爲學求仕者多故於刑書等不可不覽如律令洗冤錄諸司職掌三事忠告等預知之他日爲政便不被人瞞予自少觀洗冤錄知男子作過死後走四方多以此死者官司不知斷以謀財豈不大誤

元城云獄貴初情每一行若干人卽時分牢異處親往徧問私置一簿隨所語記之其後結證無能出初語者

殺不於市曰劓誅今潛使人殺所仇之人不用器械而自手殺曰格殺得城爲拔拔邢丘也文移官府不親臨則爲移元移元者善也非一善人也 獄囚招成之辭曰欵言得其實也

魏蘇綽始制文按程式朱出墨入及計帳戶籍之法後人多遵用之僕射周惠達稱綽有王佐才

古者府州部論事皆籤前直敘所論之事後云謹籤月日下又云某官某籤今公文籤日下誅語又云硃語

唐代宗廣德二年七月以國用急不及秋苗方青卽征之號青苗錢德宗建中元年正月作

兩稅法從楊炎之請也又行稅間架除陌錢法又墊陌錢宋神宗熙寧四年行募役法令人出免役錢七年呂惠卿言免役法出錢不均行手實法有仁心者宜考以爲戒

伊川云凡濟飢當分兩處擇羸弱者作稀粥早晚兩給勿使至飽俟氣稍完然後以給先營寬廣之地不得令相枕藉如作粥官親嘗恐生及入石灰不給浮浪者無此理也平日游

情至其飢餓哀矜之一也一郡守鷄鳴而起
親俵散飢民官吏後至者必責怒之于是流
民至者日衆未幾穀盡孳者滿道須宿戒使
晨入至已則闔門不納午而後與之食日得
一食則不死矣其力自能營一食者不來矣
比之不擇而與當活數輩之多也予觀世說
新語云却鑿永嘉末天下大亂在鄉里甚窮
餒鄉人以其名德共餽之鑿嘗携兒子邁及

外生周翼二小兒往食鄉人曰各自飢困以
君之賢欲共濟君耳恐不能兼有所存鑿于
是獨往食輒含飯著兩頰間还吐以與二兒
後並得存劉辰翁批云兩頰所著能幾足哺
二兒非甚小在穀氣不絕哀哉此二事可以
爲救飢之法富弼在青州活飢民之法尤可
取

居官居家出外皆不可無備陶侃木屑事似矣

朱溫忽如相州刺史李思安無備削官書曰
有備無患

趙岐預爲壽藏陶潛預爲祭文杜牧預爲墓誌
李太白于豪傑中識郭子儀隱逸中識司馬承
禎浮屠中識僧伽後太白永王璘之累得于
儀之救

義鶻事杜甫得之樵夫至今以爲美談繫乎所
遇也夷齊古今義士得孔子而名彰然夷齊

豈求名者哉

古今人相得不以窮達論者如陳蕃之于徐稚
李膺之于郭林宗韓愈之于孟郊歐陽修之
于梅堯臣李及之于林逋馬伯庸之于陳旅
近時楊士奇之于陳繼夏原吉之于吳訥者

不少

人之憎我也不可不知我之憎人也人不能知
人之德我也不可忘我之德于人不可不忘

宋董傳云古來風義遺才少近世公卿薦士稀
劉秉忠薦王文統才智不知其爲小人 崔顯
曰小人如蝮蝎其兇忍害人根乎天性隨遇
必發 去小人爲不難而勝小人爲難陳蕃
竇武死于曹節之手張東之五王爲武三思
所害 古今天下有君子中之小人有小人
中之君子人有平日高談濶步自以爲明智
不知能識破此樣人否

古之釋怨者如廉頗藺相如賈復寇恂馬燧李
抱真輩不一載綱目讀史管見可以爲法然
賈寇事不及廉藺

忿怒之際切不可指人隱諱及祖父家門之事
古人謂傷人之言深于矛戟

鄭伯侵陳七侯曰鄭何能爲呂東萊曰惟此一
言實亡國敗家之本

古云得一良將則天下無難制之四夷呂東萊

云天下之事皆賤詐惟兵貴詐

樊噲之功當以諫留秦宮為上鴻門請讓項羽
次之排闥之忠又次之屠狗之人識見有如
此

閔羽死于潘璋之手綱目書曰孫權邀斬之罪
權之無漢也

司馬懿逼曹爽投刀于地曰我亦不失作富
家翁然終不免誅夷之慘石勒執王衍自

言少無宦情不豫世事然終不免排墻之厄
二人之愚可鑒

好戰者陣亡好訟者獄死雖俗語蓋與張文潛
書五代郭崇韜卷後云好謀之士敗于謀好
辯之士敗于辯同

凡非我失之自我復之為中興漢光武晉元是
也自我失之因人復之為反正晉孝惠孝安
是也唐德宗車駕奔梁州後還長安此亦反

正也

事固有一勞而可以永逸者謀人而使人覺其情則不得其志矣寧爲有聞而死不爲無聞而生

魏司馬懿斬公孫淵入其城築爲京觀去聲積戰死之尸封土其上以彰克戰之功謂之京觀京大也觀視也封土之上爲屋如觀闕形也

魏初平二年鮑信擊黃巾戰死求屍不得乃刻木爲信狀而祭又龐德與關羽戰敗不降爲羽殺帝令于陵屋畫羽戰克龐德憤怒于禁降伏之狀二者立像圖形之始

苻堅字永固雄之子能用王猛以治秦晉王浚又一袁術浚大原人勒上黨武鄉人浚遺勒麀尾麀鹿屬尾能生風可辟蚊蚋出鄆縣宜君山

唐李德裕不忘平泉山居而終不得少償其志
故其詩曰自是功高臨盡處禍來各城不由
人杭于少保謙山西巡撫時一詩云何日西
湖上扁舟趁晚風亦不得如志

唐蕭穎士有文學而性褊急少容有奴事十年
笞楚嚴慘或勸其去荅曰非不能愛其主才
耳噫秉彝好德之良心孰無哉

胡文定語楊訓曰人家最不要事、足意得嘗
有些不足處便好人家才事、足意便不好
事出來亦體消長之理然也

宋劉奉世曰得喪常理如寒暑加人雖善攝生
者不能無病正須安以處之

人云與其死後祭我之頭不若生前祭我之喉
與其死後哭泣不若生前歌謳亦可以爲世

勸

伊川之姪病陰證傷寒而醫者乃大下之又與

洗心散遂至寃死服藥可不慎哉 扁鵲因

秦人夢小兒遂作小兒醫

早慧者不壽顏子賢而夭李賀才而夭

詩亦有讖成化七年予過滇通海驛偶題一絕
第二句孤臣萬里歎無家至白鶴舖又題一
絕杜鵑聲裏怨無家人見之云此人喪偶不
二年予妻喪之

娘字俗書古無當作孃今通爲婦女之稱予觀

韓魏公安陽集公傳中云宋宮中稱郭后爲
大娘劉妃爲小娘則皇家亦如此稱之不獨
民間

石曼卿呼韓琦家爲韓家宋小民凡于所畏尊
官則呼厥姓曰某家今人稱爲某家某家本
此

古詩云長跪問故夫則婦人亦跪也宋太祖問
趙普拜禮男子跪婦人不跪王溥子貽孫舉

此以對

措大能舉措大聲謂貴顯大人也稗碎米里巷
瑣碎之言曰稗官小說枝梧枝者大柱梧者
小柱

夏后氏駕兩馬謂之麗殷益以駢謂之駮周又
益以駢謂之駟

舟以離岸爲張傍岸爲檣同浴訛裸言不知也
截趾適屨言其愚也當爲秋霜無爲檻羊檻

羊言受制于人也

玄宗好鬼神以太常博士王璵爲祠祭使祈禱
或焚紙錢漢以來葬祭者瘞錢後世俚俗以
紙寓錢爲鬼事玄宗用之胡氏謂廢幣帛而
用楮泉是以賄交于神也

朱子議葬狀云古之葬者必坐北而向南孝子
之心不忍死其親雖葬于墓猶欲負陰而抱
陽也豈有坐南向北背陽而向陰乎又曰葬

于北方北首三代之達禮也

家譜何爲而作使爲人子孫者知所本始也

朱子曰財猶膩也近則污人豪傑之士恥言之
瀛之水上有二鳥一類鵠色正蒼而喙長疑立
水際不動魚過其下則取之終日無魚終不
易地其名曰信天緣一類鷺奔走水上不問
水腐泥沙必啜^匕然必盡索之而後已無一
息少休其名曰謾畫信天緣若無能者乃與

謾畫均度一日無飢色視謾畫加壯大然則
人之一飲一啄莫非前定視二物之爲何如
哉

列子牛缺遇耦沙之中盜盡取其物無憂色盜
曰以彼之賢見趙君必困我追而殺之燕人
相戒其弟適秦至闕下遇盜憶兄之戒與盜
力爭請物盜曰我活汝弘矣而追吾不已迹
將著焉旣爲盜矣仁將焉在遂殺之牛缺以

言言長言
無吝招患燕人以有戒受禍安危不可預圖也

列子梁之富家財無訾七量也登高樓臨大路擊博樓上俠客樓上獲勝大笑適飛鳶墜腐鼠而中之客相與言曰虞氏富樂之日久而常有輕易人之志吾不侵犯之而乃以腐鼠辱我此而不報無以立勇于天下乃聚眾積兵以滅其家夫驕奢致禍不一虞氏心無陵

人而家破者亦由謙退之行不素著故也

進賢包希魯先生言人欲貴而不得貴欲富而不得富者一人應科舉詫云今科不中定不回果不中僦一居讀書對門樓一女窺之有意令一賣婆通信婆乃令已子去與女通女有娠告官女云秀才逮至官苦楚萬狀誣服黜之後秀才受誣不甘訴于他官他官疑之召女再鞫問女云彼時與秀才通身有何驗

請言長言
女曰背上一瘡癩官呼秀才驗之無有乃
責女女言是賣婆之所爲官召婆之子驗之
果有癩事雖白而秀才之受苦楚亦多矣一
大富家過凶年家空經營皆不獲利乃從人
去販羊值冬寒墮羊皆凍死竟以貧終二人
之有心于富貴而終不遂其志亦可鑒也
予仕武邑日至北鄉見一老者云吾壯時嘗應
役于縣七之官吏謂吾能事每有差委不三

四年身衣羅紵乘堅策肥今老矣復值凶年
欲如前之奢侈不可得聆其言似有不安分
之意予因戟手與衆言曰滄海三變爲桑田
董卓郿陂中有金二三萬斤銀八九萬斤石
崇王愷闔富珊瑚枝擊碎不以爲意元載家
胡椒八百斛後皆不得其死况人不脩德行
善而欲希不義之富貴安能保其有終否泰
乘除自然理也汝輩豈知予乃策馬回馬上

忽憶許魯齋一詩云花謝花開時去時來福
方慰眼禍已成胎得未足慕失未可哀得失
在天敬聽天裁抵家書以予二子

陳搏云我見世人忙箇忙如火忙者不為身
為身忙却可

史莫信于書春秋莫信于史記 鄭玄云作毛
詩箋七薦也薦成毛義也 陳腐詩之病強
學俊語亦詩之病

通鑑續編載文天祥請為黃冠不可信

五經通義曰月中有兔蟾蜍者月陰蟾蜍亦陰
也而與兔並明陰繫于陽也徐稚云月中有
物則明如人眼中有瞳則明

按輿地圖輿猶盡戰之義趙公子成諫武靈王
胡服書曰俗辟者民易則是吳越無秀才也
秀才在昔有之

爾雅爾者近也雅者正也言近而取正也謂周

公作非也郭璞註埤雅宋陸佃農師著爾雅
之輔也故曰埤

中庸重祿勸士古者府史與下士同祿薄者食
五人厚者至于食九人祿足以代耕人人有
士君子之行何也惟其有養是以有守也

黃石公三畧曰當斷不斷反受其亂

荀息牽彘所遺虞屈產之乘馬奉之獻公獻公
笑曰馬則吾馬齒亦老矣以馬齒戲喻荀息

之年老也中庸序齒孟子曰齒一今之于年
老動以齒言是也

陶朱公家在華容縣謝安東山在上虞縣今爲
國慶禪寺甘露狼石諸葛孔明坐其上與孫
仲謀論曹公也

洗馬太子出則前驅等禮儀猶言先于馬
駕馬爲輅駕人爲輦直曰街曲曰巷雜比曰音
單出曰声自上臨下曰險自下升上曰阻危

者欲陷而未陷之辭慮是思量之重複詳審
悔是悔惡向善吝是未至于惡夏商周皆訓
大殷亦訓大庚之言更辛之言新日實也月
缺也日則常實月則有缺 丞相丞承也相
助也謂掌承天子助理萬幾者也

詹事詹者給也春秋御廩災吳氏曰君之在車
與御者最相親近故君所親近之人謂之御
御史御妻之類是也君所親用之物亦然御

食御書御藥之類是也尚書尚音常沈存中
云尚只音上尚書秦掌書籍官天子所御皆
曰尚故各尚書如尚衣尚食之類是也出書

朕聖讒註

凡寺說文寺廷也有法度者也釋名寺嗣也治
事者相嗣續其內也息心所棲曰精舍凡講
讀之所亦曰精舍

黃帝時藥師佶倫世掌樂官而善焉故後世號

樂官曰伶官

古者天子大社以五色土為壇封諸侯受天子大社之土各割所封之方色與之東方青土他如其方色授之使立社于其國有土則有民故曰民社

戒石銘蜀主孟昶所作宋太宗摘其四句令天下郡縣皆刻石寘公署之前覆以小亭長吏坐則正對之宋高宗紹興六年六月覆頽黃

庭堅書摹本于郡縣命長吏刻石置座右至今郡縣有之 廷獄廷平也治獄貴平故號廷獄

一井之地以二十畝為廬舍因為市以交易故曰市井

士一廟于所居之左蓋祠堂一間兩廡祭用分至取氣之中時之均凡讀祝吉禮出左東向凶禮出右西向

圓如明月者扇竹骨摺者曰篲今日筵 私晏

曰曲晏壩上以牛轉軸曰牛埭 聚火無燄

謂之熅火音云今冬月烘爐火是也 塞者

以障塞為名微者取邀遮之義 箏蒙恬造

故曰秦箏吧只怕字衣幘也扉屨扉草也

阜隸造成事而言謂之阜属于吏謂之隸

平兩家買賣之價曰榷會榷音角會猶駟會

崇謂禍咎之徵故其字從出示言鬼神所

以示人者也 文面始于有苗至劉仁恭朱

全忠加甚

傳曰函牛之鼎以烹鷄言大器不可小用 麇

剔臍犀退角象退牙 犬生三子曰猥虎生

三子有一彪 梟謂之流離其肉甚美可為

羹臠又可為炙 狗惡曰嗥喋猪聲嗶也雞

曰翳也音竹 人家狗至夜不可與糟食醉

不能吠凡大家每夜狗喂飽恐外人以糟或

毒饗之 燕啣泥嘗避戊巳日鵲巢口嘗避
太歲科斗成蛙桑虫作娥齊物也

老子云不善人乃善人之資此言可味 張儀
曰爭名者于朝爭利者于市 馬援云傳聞
不如親見視影不如察形 後漢韋彪曰求
忠臣必于孝子之門偶檢杜詩錄之
劉元城云說得一丈不如行取一尺

古者取士必使諸侯歲貢歲貢之名意此 世

嘗言金井梧飄以葉上有金井字非井也

陶淵明巾上垂帶曰尊重帶

天祿麒麟二閣皆因獲二獸而名之 乘車入
鼠穴擣虀取鉄杵言無此事 男功非一故
以工力爲字而女唯在于絲故以系工爲字
曰紅紅者功也

山東俗語呼拿物來曰取得來取此苟切孟子
可以取可以無取張良圮下取履魯仲連排

難解紛而無所取杜甫遭田父泥飲云今年
大作社拾遺能住否呼婦開大瓶盆巾爲吾
取皆此音韻府收在二十五有是也南人多
不知此音若七麋取字則士庚切義然後取
狂者進取孟子樂取諸人史攻必取秋毫無
取七青拾芥是也

朕我也古者上下共稱之臯陶與舜言朕言惠
可底行屈原曰朕皇考至秦然後天子獨以

爲稱漢至今因而不改

環遶之環音宦環珮之環平聲 先發制人後

發人制

二歲半一尺五尺十二歲六尺十五歲

事以急而敗者十常八九天下之事成于懼而
敗于急

強人之所不能事必不立禁人之所不犯法必
不行

工于論人者察已常踈徂于能直者所發多弊
正道為右不正道為左漢書右賢左愚右貴左
賤故曰左道惑眾言邪道也 天下事公則
立私則踣勇則決儒則二

已勞而人逸所謂代庖人宰為大匠斲也

擔子輕重他人不覺惟擔不起者自知之耳

許由字武叔莊周字子休妣已鍾氏妣字已姓

孟毋姓仇氏孫叔敖名饒 田文云孟嘗君

孟字嘗邑名 王莽天水人字稚叔陳搏真

源人魏了翁臨邛人 五胡漢元海匈奴後

趙石勒羯前燕慕容皝鮮卑前秦苻洪氏後秦

姚弋仲羗 南朝八達胡輔謝鯤阮放畢卓

牟曼桓彝阮孚光逸 武則天文水人楊貴

妃四川茂州人文水至今有武之碑龜人不

能動

交趾諱李字李姓皆易以阮 師駐曰次次止

也元宗元蔽也

唐僧懷素字藏真以草書擅名

陳容字公儲號所翁寫龍頭多自題

僧法常號牧溪善龍虎

晉袁甫詣中領軍何勗自言能爲劇縣勗曰惟
欲爲縣不爲臺閣何也甫曰人各有能有不
能譬繒中之好莫過錦錦不可以爲帽穀中
之美莫過稻稻不可以爲蓋

長語終

